

四明叢書

張宗祥



00
2
10

弁山小隱吟錄卷之二

元慈溪黃 玠伯成撰

七言歌行雜體

送仲珍弟還鄉兼奉內弟陳子傳

吳淞江邊秋水生榜人刺篙歌採菱古來貧賤別更苦
置酒不飲心如醒落日長雲下平楚孤雁決起南飛翎
救寒幾日衣上褚原頭西風吹脊令阿嬰倚門瘦骨立
手揮五絃多苦聲流光一瞬二十載風灑露沐將焉成
汝歸買田嵩水曲小築便可開紫局他年棗下實纂纂

我亦豈憚爲耕甿芋魁作羹飯瓜麩充腹不在羅珍盛
金石論交豈銷泐人生急難如弟兄

鴛鴦湖上曲

妾本鴛鴦湖上女能彈琵琶作鸞語與郎相見得郎歡
牀頭黃金用如土黃金用盡遂不歸妾身憔悴將何依
可憐徘徊花上月爲郎沾酒典春衣春衣典卻妾無怨
後夜花開無衣典寄謝悠悠世上兒人生雖樂有貧時

忠奴李善歌

古有富者家暴亡眾奴同謀殺其孤一奴匿之負以走

財實累爾兒何辜玆牙雖小是奴主簿書不敢欺豪銖
哺之朝夕乳湏流不忍去手聲呱呱置兒牀上拜牀下
奴以死奉甘勞劬天聽不遠事竟白天子有命行賞誅
一奴寵榮眾奴戮卻從主人歸故廬雙乘青驄御史馬
猶執舊禮謙若虛寄謝悠悠天下士未可容易輕人奴
風涇之東有鸛鳥作巢白蓮寺其雄爲人所執眾
鸛挾他雄偶其雌弗從破巢啄穀而去市人憐
之爲求故雄使復合梁邦彥作義鸛行余和之
有鳥有鳥亡其儔其雌棲棲方獨憂不知何處來野雄

遠挾眾勢剛相求彼雌決決不可強巢穀覆敗無一留
市人聞之其悽惻爲求故雄使相收歸來哀叫聲欲死
天地有情當淚流物有定偶性則然此鳥何必非雌鳩
重爲周南歌窈窕人道凋弊有是不

哲婦歎

人家生女不必能哲婦多事醜婦貞美笑已足傾人城
況復恨怒生五兵陽德不競陰始凝履霜之漸爲堅冰
天下男子唯劉伶彼形甚醉心獨醒婦言雖善亦不聽
兒曹舉酒爲余壽詩以誌之

我生之初日龍馮我生之後在鶉味大郎善事心弗渝
爲余舉酒稱翁壽翁顏有喜兒亦懽花插雙髻舞班袖
六彝共是宗廟器寧我此郎非虎雌百年門戶喬木殘
本根正賴枝葉茂我今得爾我心安願爾有兒昌爾後

結交行

結交不必問古今今人非無古人心古人之心淡如水
今人之心甘如醴淡言如水味乃真甘言如醴能醉人
食淡不如食甘易所以醒人少於醉

馬頭者故貴人家侍兒流落錢塘謝長深有詩余

和之

謝君馬頭歌老孀彼神司蠶宿在房合精月駟耀吐芒
衣被天下爲文章豈有所思下土房學施朱鉛試新粧
黃金約腕珠作璫步搖之冠雲錦裳涼州蒲桃紫雪漿
華堂燕坐飛瓊觴人生富貴豈有常朝爲名花侍侯王
暮爲小草委路旁皺面如靴不復光空懸泉刀金錯囊
卻思故步心自傷星宮之樂樂無央

玉泉元帥示余佩刀回回氏所作也如雁翎而雪
色文理可勸

將軍太平得寶刀愛之不殊古孟勞三尺白鷗尾雪色
引緜脫室風騷騷摩挲秋水生淨滑俊采猶作花門驕
盤根錯節知利器名世何必皆豪曹萬辟千灌奇乃見
龜文縵理纖如毫當時已用兔胆鐵此物或取羊頭銷
傳家要是公輔器苟非其人誰得操藏鋒不試蓋有待
幸勿容易汗腥臊

竹齋學士竹柏圖得之李好古野齋平章舊物也
薊邱學士神仙人詞翰揮毫有餘力清風披腹盡琅玕
日費上方三斗墨昔年乘傳向蠻邦修竹如雲楚山夕

卻迴官舸過湘中江南推蓬寫寒碧遠勢聯翩數十枚
顛倒縱橫鳳鸞翼天機到處物變盡雲影紛紛洒人墨
想見走筆如飛龍山木水蘿俱辟易不辭遺跡購千金
此卷於今妙無敵

韓伯清所藏子昂雙松便面

并刀翦水一尺餘照見亭亭兩松影玉堂學士自寫真
令我悽然發深省聳壑昂霄五十年健筆如錐有鋒穎
蒼髯傑怒知誰喚老節猶將見奇挺直幹斜分水墨痕
樛枝亂結風霜頂龍鸞已化毛骨殘雷雨欲來崖谷暝

兔絲懸蔓待茯苓迴首餘光惜俄頃會稽公子多苦心
收拾新詩題小景

澱山湖阻風

吳兒牽舟背如弓跬步只尺登天同四方有路無不通
我獨何爲來向東舉杯釀酒慰柁工解后勿謂吾道窮
改方易向矢弗庸明發風止去必從終我不作阮嗣宗
時雨旣洽園蔬並茂

白日有滄雲萋萋簷花亂墜眼欲迷鳴鳩脫袴土作泥
園蔬繞舍水出畦王瓜引蔓上落藜瓠葉幡幡生瓠犀

菘甲怒長如蘭蕙中廚少婦喚阿稽亟取大瓮淹爲醢
魚兔不獲何筌蹄晚食足慰癡兒啼

高伯雨苕溪漁隱歌

吾聞天目山中乃有千尺之懸泉下赴大谷爲奔川百
里清苔淨如練雲光鳥影濯濯涵漪漣峯巒過盡見城
郭春申劍履三千客當時歌扇吹香拂舞茵此夜啼螿
寒月白何如鴨觜灘頭結屋三兩椽苔花開時魚滿船
攜書一卷篷底讀瓊瑰玉佩聲琅然

贈縛筆溫生

溫生之筆手自縛千金善價何鑿鑿百狐不如得一兔
可敵人間萬羊鞞翦剔霜毫取脊尻毛穎有傳非苟作
縱橫出入腕若飛健甚烏騅戰京索頻年萬里獻玉堂
名與歐虞俱烜赫應從馬上問葛強誰重并刀輕魯削

題趙仲穆山水圖歌

遠山如湧波近山如積石遠近千萬山崢嶸起寒碧赤
甲白鹽江影空青天芙蓉五老峯野橋村路獨歸客耳
邊彷彿東林鐘滄浪老人唱歌處日暮停篙倚江樹倒
挑笠子漁竿頭隔水高樓訪誰去

醉歌行

千金一笑如花妾顏色如花命如葉千里一日奇骨馬
雖有奇骨無奇價明月不解長嬋娟浮雲歎來能蔽天
人生富貴矢脫絃放手一失三千年彼造物者予何言
醉歌小海足叩舷

刻木吏

刻木吏望之如神復如鬼昔日猶多市人兒于今并及
夏家子刀筆之鋸毒於蜂尾惡木成陰勁草風靡誰其
使之民俗墮矣眾皆趨之吾道微矣

去馬歎

玉花四蹄如踣鐵青絲絡頭金釧舌一朝名數在有
司官馬人間不得騎負我惠養猶嬰兒朔風蕭梢催上
道江北早寒無宿草蒼頭廬兒雙淚垂雕鞍錦鞵當屬
誰吾聞上廐大馬十二閑爾豈不得居其間日食太倉
一石粟立仗不受鞭笞辱雖我徒步心亦足

秦府舊人歌

昔日秦王履帝位府中舊人亦同升一龍五虵各變化
一虵失意意不平玄齡善謀晦善斷勇如褻鄂衛與英

鼠輩乃賣我我豈乏爾能相臣爲之言天子憐悲不自
勝斯人自命薄更欲爭天之功爲己榮賜官三品命始
下死骨已冷喚不膺嗟乎哉嗟乎哉幾年人間無客星
胡不急去歸農耕龍姿之君好事者焉汝不作嚴子陵
無名之名千載名

山水小景四幅

江有水兮水有波龍魚帖息兮風日美和望青山兮如
眉而蛾撫佳木以婆娑

山出雲兮不爲霖雨江有木兮不任楣柱朝余東岡兮

莫余南浦時乎時兮柰何汝

洞庭波兮山嵯嶮川可濟兮不可涉木蘭爲舟兮桂爲楫渺余懷兮風一葉

山之凹兮水之匯沙稜稜兮石礚礚有媿一人兮如彼蘭茝思之不來兮使我心癢

題吳景良荷插圖

倚冰爲山擊石作火人生百年一何瑣瑣有酒輒醉不醉亦可來汝僮奴荷插隨我

狐虎圖

狐假虎威虎爲狐使人欲有言恐傷虎意虎實未知狐何足忌使虎知之狐其逝矣

送吳季良海運圖

神禹作貢書惟揚漢家亦言海陵倉至今歲入踰百萬
連艘巨海飛龍驤長腰細米雲子白糶稔猶作秋風香
上登京庾充玉食不與黍稷同概量延陵季子世不乏
被服袴褶躬輪將軍符在佩金睽陽上有霹靂古篆書
天章乾坤端倪正離坎北斗卻轉天中央吾知貞忠對
越肝胆露蹈蹂不滯不翅如康莊平生故人走相送攜